



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

1. Flagitiosum scelus &c. Declaratio Excommunicationis contra complices
violentiæ Prædecessoris ipsius Bonifacio VIII. factæ Perusii 7. Id. Junii an.
1304.
-

[urn:nbn:de:hbz:466:1-74452](https://nbn-resolving.org/urn:nbn:de:hbz:466:1-74452)

ANNO
1303.BENEDICTUS X. DICTUS XI.
PONTIFEX CXCVI.

ANNO DOMINI MCCCIII.

Benedictus antea Nicolaus Bocasinus Opilionis Filius ex Tarvisinâ Civitate, Ordinis Prædicatorum Generalis, anno 1303: Bonifacio successit. Matrem suam splendidis ornatam vestibus agnoscere noluit. Obiit anno 1304. (*Magni Bullarii Romani hujus Edit. Luxemb. Tom. I. fol. 182.*)

I.
Ex Cod.
Dipl. Leib-
nitii Tom. II.
pag. 319.

Declaratio Excommunicationis contra compli-
ces violentiæ Prædecessoris ipsius Bonifa-
cio VIII. factæ Perusii 7 Id. Junii an. 1304.

BENEDICTUS EPISCOPUS,

*Servus Servorum Dei ad perpetuam rei me-
moriâ.*

Flagitiosum scelus & scelestum flagitium, quod quidam sceleratissimi viri summum audentes nefas in personam bonæ memoriæ Bonifacii Papæ VIII. Prædecessoris nostri, non sine gravi perfidia commiserunt puniendum, profœqui ex iustis causis hucusque distulimus; sed ulterius sustinere non possumus, quin exurgamus, imo Deus in nobis exurgat, ut dissipentur inimici ejus & ab ipsius facie fugiant, qui oderunt eum. Dissipentur, inquam, si verè peniteant, sicut ad prædicationem Jonæ, Ninive conversa est; aliâs ut Jerico subvertantur. Olim siquidem, dum idem Bonifacius Anagninæ, propriæ originis loco, cum sua curia resideret, ipsum nonnulli ditionis filii, primogeniti Saranæ, & iniquitatis alumni, pudore postposito & reverentia retrojecta, prælatum subditi, parentem liberi, & Vassalli Dominum, Guilielmus scilicet de Nogareto, Raynaldus de Supino, Thomas de Morolo, Ropertus filius dicti Raynaldi, Petrus de Genezzano, Stephanus filius ejus Adinolphus & Nicolaus nati quondam Matthiæ, Giffredus Bussa, Orlandus & Petrus de Luparia-cives Anagnini: milites Sciarra de Columna, Joannes filius Landulfi, Gottifredus natus Joannis de Ceccano, Maximus de Trebis, & alii factionis ministri, armati hostiliter & injuriosè ceperunt, manus in eum injecerunt impias, protervas erexerunt cervices, ac blasphemiarum voces funestas ignominiosè jactaverunt. Eorum etiam facta & opera, per ejusdem factionis complices & alios thesaurus Romanæ Ecclesiæ ablatus violenter extitit & nequiter asportatus. Hæc palam, hæc publicè, hæc notorie, & in nostris etiam oculis patrata fuerunt; in his læsæ majestatis, perduellionis & sacrilegii; Legis Juliæ de vi publica, Coinclia de Sicariis, privati carceris, rapinæ, furti & tot alia, quot ex hujusmodi facinoribus secuta crimina & felonix etiam delictum commissa notamus: in iis stupidi facti sumus: Quis crudelis hic à lachrymis temperet, quis odiosus compassionem non habeat? Quis deses aut remissus Judex ad procedendum

non surgat? Quis pius sive misericors non efficiatur severus? Hic violata securitas, hic immunitas temerata, propria patri tutela non fuit domus, refugium summum Pontificium dehonestatum est, & suo capto sponso, Ecclesia quodammodo captivata. Quis locus reperietur à modo tutus? Quæ sancta Romano violato Pontifice, poterunt inveniri? O piacularè flagitium, o inauditum facinus! O Anagnina misera quæ talia in te fieri passa es! Ros & pluvia super te non cadant, in alios descendant montes, te autem transeant; quia te vidente & prohibere valente, fortis cecidit, & accinctus robore superatus est. O infelicissimi patratores non imitati, quem nos imitari volumus S. David, qui in Christum Domini, etiam inimicum, persecutorem & æmulum suum, quia dictum erat, nolite tangere Christos meos) manum extendere noluit; & in extendentem irrui gladio justè fecit. Infandus dolor, lachrymabile factum, perniciosum exemplum, inexpressibile malum, & confusio manifesta. Sume lamentum Ecclesiæ, ora tua seribus rigent, & in adiutorium debite ultionis filii tui de longe veniant, & filia tuæ de latere surgant. Verum quia scriptum est, feci judicium & justiciam & honor regis judicium diligit, nos in prædictis sic judicium, quod ad honorem nostrum pertinet, facere cupimus, quod à justitia minime divertamus. Ideoque forma juris, quæ sicut hæc sunt servatur in notoriis, observata præfatos superius nominatim expressos ceterosque participes, qui hæc in sæpe dictum Bonifacium, in personis propriis exercuerunt Anagninæ, omnesque qui in iis dederunt auxilium, consilium, vel favorem, denuntiamus de Fratrum nostrorum consilio, præsentem hac copiosa multitudine promulgatam à Canone excommunicationis sententiam incurrisse, ipsosque peremptoriè, quatenus infra festum sanctorum Petri & Pauli proximè venturum, personaliter compareant coram nobis, justam, dante Domino, nostram supra præmissis, quæ, ut prædicitur, notoria sunt, audituri sententiam, nostrisque mandatis & jussionibus parituri humiliter. Alioquin, eorum non obstante absentia, contra eos via incedentes regia, procedemus. Hanc autem citationem nostram, quam non sine causa, ex certa scientia facimus, ipsos arctare volumus, sicut si eorum quemlibet apprehendisset. Ut autem hujusmodi noster processus, ad communem omnium notitiam deducatur &c.

Datum Perusii 7. Idus Junii Pontificatus anno I.

Bulla ad Philippum Francorum Regem revocatoria reservationum beneficiorum à BONIFACIO factarum, & liberam Ordinariis super Beneficia restituit potestatem: anno 1304.

BENEDICTUS EPISCOPUS,

Servus Servorum Dei, charissimo in Christo Filio Philippo Regi Francorum illustri, salutem, & Apostolicam benedictionem.

UT eo magis erga Deum & Apostolicam sedem Regalis devotionis excrecat affectus, quo sibi gratiosam sedem repererit

ANNO
1304.

II.
Ex Mem. du
Clergé de
France Tom.
2. P. 309.

supra